



Nuuk 12. oktober 2018

UKA2018/202

Jens Napãtôk, Partii Naleraq

Uunga siunnersuut: Katersugaasiveqarneq pillugu Inatsisartut inatsisaannik allangortitsineq pillugu Inatsisartut inatsisaat nr. xx, xx. xxx 2018-imeersoq.

(Nunamit allangutsaaliukkami, Nunatta Avannaarsuaniit Kangianiillu Biosfære qarfiusumiit annissinnaanermut aalajangersakkat sukannererusut kiisalu katersugaasiveqarneq pillugu ataatsimiititaliap katitsigaanera, piffissaq atuuffissaa akilerneqartarneralu pillugit aalajangersakkat)

(Ilinniartitaanermut, Kultureqarnermut, Iisimatusarnermut Ilageeqarnermut Nunanut Allanullu Naalakkersuisoq)

Siullermeerneqarera

Katersugaasiveqarneq pillugu Inatsisartut inatsisissaanik allangortitsineq pillugu Inatsisartut Inatsisaattut siunnersuut ima Partii Naleqqamiit oqaaseqarfiggissavarput.

Nunatta katersugaasiviata Allagaateqarfialu kissaateqarnera aallaavigalugu annertusisamik illersuiniarluni aaqqissuusisoqarnissaa kissaatigisimavaa Avannaani aamma Tunup Avannaani nuna allangutsaaliugaasuni inatsisini periarfissaareersut annertunerusumik periarfissaqalernissaat kissaatigalugu.

Kissaateqarneq napertorlugu siunnersuummi taamaasilluni ilanngunneqarpoq Nunamut Allangutsaaliugaasumut, sumiiffiit Bioæfære-qarfiusumut Kalaallit Nunatta Avannaarsuani Taamatullu Nunatta kangiata avannaani avannaarsuanilu inissimasumut, inuit pilersitaat tigussaasut, tassalu atortut assigisaalu kalaallinit aallaavillit, qanoq nutaanngitsigineri apeqqutaatinnagit nunatsinniit anninneqarsinnaassanngitsut Nunatta Katersugaasivianiit Allagaateqarfianillu akuersissutitaqanngitsumik.

Maluginiagassaavoq Namminersornerullutik oqartussat nalunaarutaanni nr. 7 17. juni 1992-immersumi § 18 naapertorlugu, Kalaallit Nunaanniit pigisanik tigussaasunik 1945 sioqqullugumeersuni annissinissaq, kalaallinit aallaveqartunik imaluunniit immikkut pingaruteqartunik kalaallit kulturikkut oqaluttuarisaanerata qaammaasaqarnissaanut tunngassuteqartunik annissuineq inerteqqutaasoq.

Nunarsuarmi sorsunnersuit aappaani tyskit tassalu nazistit tunup avannaaniinnerani atortorpassuit qimagaat oqaluttuarisaanermut ilaalersimasut aammalu taassuma tungaanut inuit pilersitaat tigussaasut kalaallinit aallaavillit illersorneqarnissaat nalunaarut aalleqartoq maanna sukaterniarneqarpoq ilaatigut piniartoqarfinnik nunanit allamiunit ingerlanneqarsimasunit ilangullugu atuutussanngorlugut, tassalu tunup avannaarsuani 1960-ikkut angullugit atornerqarsimasunut. Tunup avannaani imaannaanngitsumik taamaasilluni kalaallit nunatsinnut annertuumik oqaluttuassartaqarfiuvoq eriaqarsariaqakkatsinnik, nunarsuarmi sorsunnersuup aappaani



partii naleraq

tyskit silasiorfittut pingaarutilittut atuinnersimangilaat aammalu norskit qallunaallu ukiorparujussuarni ukiiffiigalugu piniariarfigisarneranni Tunu avannaa pilerngutilersimagaluarpaat allaat Nunarsuarmi eqqartuussiviit qullersaat "internationale domstol" Hagen-imiittoq angullugu kiap nunaatigineraa aaliangerniarneqarsimalluni, tamannalu ilaatigut Ittoqqortoormiit inulernerqarneranik toqqammaviginiarneqartarluni sivirusumik suliaq ingerlareerluni eqqartuussivissuaq aalianerpoq tunup avannaa Danmarkip ataaniittoq. Taamaammat eriaqisariaqakkat taakku immikkut ilanngullugit sukateriffigineqarnissai pissusissamisoorpoq.

Taamatut eriaqisasat pillugit inatsisit sukaterinerit Partii Naleqqamiit pissusissamisoortutut isigalutigit tapersorsatsigit oqaatigissavarput.

Tamatumunnga tunngatillugu ilanngullugu aammaarluta Partii Naleqqamiit sakkortuumik kaammattuutigeqqissavarput umiarsuat angisuut takornariataatit aammalu angalasut assigiinngitsut ilanngullugit soorlu umiarsuaaqqat tingertaatillit nakkutigineqaratik angalanerat nakkutigineqarneruleqqullugu.

Tunup avanaarsuanut umiarsuit suqaluartulluunniit angalasarsinnaanerat aammalu umiarsuit inuttai ilaasuilu nunami angalaaginnarsinnaanerat ajornanngippallaaqaaq, tamakkuuppummi ilaatigut annertuumik innarliisartut aammalu tigooraasartut eqqaassutissaminnik, tamakku nunatsinnut annertunerusumik aningaasatigut iluaqutaangitsut aammalu oqaluttuassartanut innarliisarsinnaasut nunatsinni angalaaginnarsinnaanerat ilanngullugu sukateriffigineqartariaqartoq Partii Naleqqamiit isumaqarpugut ingammik nunami eqqissisimatitami Nunatta Avannaarsuani aammalu Tunup avannaani avannaarsuanilu.

Inatsisartut inatsisaanni § 20 imm. 1-imi aaliangersarneqarpoq Naalakkersuisut katersugaasiveqarnermut ataatsimiitsitaliamik pilersititsisasut tallimanik ilaasortaarluni sinniisulimmi.

Kommunillut toqqaasarnissaanut KANUKOKA atorunnaarnera aallaavigalugu oqaatsip naleqqussaaviginerani taarsiullugu atorneqalissasoq kommune peqatigiillutik toqqagaat. Taamatullu Naalakkersuisooqatigiinniit siunnersuutigineqarpoq ilaasortassaq kommunit peqatigiillutik ilaasortassaq toqqartalissagaat, kommunit ataatsimoortumik toqqagassanissamut isumaqatigiissinnaappata. Tassungalu tunngatillugu Naalakkersuisut siunnersuutaat maluginiagassaavoq Naalakkersuisut siunnersuutigineqartuniit ilaasortaq toqqartalissagaat kommunit ilaasortassamik toqqaaniarnerminni isumaqatigiissinnaanngippata. Partii Naleqqamiit isumaqarpugut Kommunit nammineq toqqaanissartik aqqissinnaasariaqaraat allamik akuleruffigineqaratik, tassalu Naalakkersuisuniit akuleruffigineqaratik, Kommunit nammineersinnaassuseqarnerat ataqqilluinnarlugu qulaaniit Naalakkersuisut kommuninut naaperiaanissamut periarfissarsiortunut akulerunnermi taamatut inatsisistigut periarfissiisoqarnera pissusissamisuunngilluinnartutut isigaarput.

Taamatut iliorneq kommunit nammineersinnaanernut akulerunnertut taasariaqarpoq akuersarneqarsinnaanngilluinnartoq. Qulaaniit aqutsiniarnerisuaq qimakkiartortariaqarparput annertusaqqinnagu. Naalakkersuisut kommunit toqqaaniarnerannut sulinerannullu



partii naleraq

akuleruttussaangillat, nammineq ingerlatsinerat ataqqisariaqarluinnartut ilagaat. Taamaammat tamanna pillugu ataatsimiitsitaliami nalilersorluarneqarnissaa Partii Naleqqamiit kissaatigarput, ilumoorsinnaangilarmi kommunit nammineersinnaanerat qulaaniit innarlerlugu qulaaniit aqutsiniarneq annertusarneqaqqilissasoq

Taamatut oqaaseqarluta siunnersuutip aappassaaneerneqannginnermini ataatsimiititaliami susasaqarutmi suliarineqarnissaa Partii Naleqqamiit innersuussutigatigu.